



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

## ԳԱՆՁԱՊԵՏԱԿԱՆ ՀԱՄԱԿԱՐԳԻ ՄԱՍԻՆ

Ընդունվել է 27.07.2001

- [Գլուխ I Ընդհանուր դրույթներ](#)
- [Գլուխ II Գանձապետարանի հարաբերությունները այլ մարմինների հետ](#)
- [Գլուխ III Գանձապետարանի խնդիրների իրագործումը](#)
- [Գլուխ IV Օրենքի ուժի մեջ մտնելը](#)

### ԳԼՈՒԽ I

#### ԸՆԴՀԱՆՈՒՐ ԴՐՈՒՅԹՆԵՐ

##### **Հոդված 1. Օրենքի կարգավորման առարկան**

Սույն օրենքը սահմանում է Հայաստանի Հանրապետության գանձապետական համակարգը (այսուհետ՝ գանձապետարան), կարգավորում է գանձապետարանի գործունեության հետ կապված հարաբերությունները:

##### **Հոդված 2. Օրենքի նպատակը**

Սույն օրենքի նպատակն է գանձապետարանի հետ կապված հարաբերությունների կարգավորման միջոցով ապահովել Հայաստանի Հանրապետության եւ համայնքների ֆինանսական ակտիվների եւ պարտավորությունների արդյունավետ կառավարման համակարգի առկայությունը:

##### **Հոդված 3. Գանձապետարանը**

1. Գանձապետարանը ներառում է Հայաստանի Հանրապետության կառավարության կողմից լիազորված՝ ֆինանսական բնագավառում պետական կարգավորում իրականացնող պետական մարմնի (այսուհետեւ՝ լիազոր մարմին) կենտրոնական գանձապետարանը (այսուհետեւ՝ Կենտրոնական գանձապետարան) եւ լիազոր մարմնի տեղական գանձապետական բաժանմունքները (այսուհետեւ՝ գանձապետական բաժանմունքներ):

2. Կենտրոնական գանձապետարանը, լիազոր մարմնի կենտրոնական ապարատի՝ սույն օրենքով նախատեսված խնդիրների իրականացման կազմակերպումն ապահովող կառուցվածքային ստորաբաժանումների ամբողջությունն է, որը ղեկավարվում է լիազոր մարմնի ղեկավարի տեղակալ-գլխավոր գանձապետի (այսուհետեւ՝ գլխավոր գանձապետ) կողմից:

3. Գանձապետական բաժանմունքները գանձապետարանի առաջին տարածքային ստորաբաժանումներն են, որոնք սահմանված կարգով ապահովում են գանձապետարանի գործառնությունների կատարումը Հայաստանի Հանրապետության վարչատարածքային միավորներում: Գանձապետական բաժանմունքը ղեկավարում է բաժանմունքի պետը:

4. Գանձապետական բաժանմունքների թվաքանակը, կառուցվածքն ու տեղաբաշխումը սահմանվում է լիազոր մարմինը:

5. Կենտրոնական գանձապետարանը եւ գանձապետական բաժանմունքներն ունեն կանոնադրություն, Հայաստանի Հանրապետության զինանշանով եւ իրենց անվանումով ձեւաթուղթ: Կենտրոնական գանձապետարանի եւ գանձապետական բաժանմունքների կանոնադրությունները հաստատում է լիազոր մարմնի ղեկավարը:

6. Սույն օրենքով նախատեսված խնդիրների իրագործման ժամանակ գանձապետարանը հանդես է գալիս լիազոր մարմնի անունից:

##### **Հոդված 4. Գանձապետարանի իրավասությունը**

Սույն օրենքով իր առջեւ դրված խնդիրներն իրագործելու նպատակով գանձապետարանն իրականացնում է Հայաստանի Հանրապետության օրենսդրությամբ եւ իր կանոնադրությամբ իրեն վերապահված լիազորություններ:

### ***Հոդված 5. Գանձապետարանի խնդիրները***

Գանձապետարանի խնդիրներն են՝

ա) Հայաստանի Հանրապետության եւ համայնքների դրամական միջոցների կառավարման եւ ծախսերի ֆինանսավորման գործի կազմակերպումը.

բ) Հայաստանի Հանրապետության օրենսդրությամբ սահմանված կարգով պետական եւ համայնքների բյուջեների կատարման կազմակերպումը.

գ) Հայաստանի Հանրապետության եւ համայնքների բյուջեների կատարման հետ կապված հարաբերությունների նորմատիվ կարգավորման մեթոդական ապահովման կազմակերպումը.

դ) Հայաստանի Հանրապետության եւ համայնքների տնօրինության տակ գտնվող դրամական միջոցների մուտքագրման եւ դրանց հաշվին ծախսերի՝ լիազոր մարմնի գանձապետական միասնական հաշվով կատարման կազմակերպումը.

ե) պետական հիմնարկների ֆինանսական գործունեության մասին հաշվետվություններ կազմելու, ներկայացնելու եւ ամփոփելու հետ կապված հարաբերությունների նորմատիվ կարգավորման եւ բյուջետային հատվածում հաշվապահական հաշվառման նորմերի սահմանման ապահովումը.

զ) պետական եւ համայնքների բյուջեների կատարման ընթացքում պետական հիմնարկների կողմից կատարվող վճարումների նկատմամբ նախնական հսկողության իրականացումը.

է) Հայաստանի Հանրապետության եւ համայնքների ֆինանսական հոսքերի սպասարկման կազմակերպումը.

ը) պետական հիմնարկների արտաբյուջետային ֆոնդերով (հաշիֆներով) գործառնությունների հաշվառումը.

թ) Հայաստանի Հանրապետության պետական բյուջեի եւ համայնքների բյուջեների, արտաբյուջետային միջոցներով գործառնությունների կատարման մասին ֆինանսական հաշվետվությունների ստացումը, դրանցում արտացոլված տեղեկությունների արժանահավատության գնահատումը, ամփոփումը եւ ներկայացումը.

ժ) Հայաստանի Հանրապետության արտաքին պետական պարտքի սպասարկումը.

ժա) Հայաստանի Հանրապետության ներքին պետական պարտքի ընթացիկ կառավարումը.

ժբ) օտարերկրյա պետությունների եւ միջազգային կազմակերպությունների կողմից Հայաստանի Հանրապետությանը տրամադրված ապրանքային վարկերի եւ դրամաշնորհների (գրանտների) դրամայնացման հաշվառումը, եւ դրանց հետ կապված գործառնությունների համակարգումն ու հսկումը (մոնիտորինգ):

ժգ) Հայաստանի Հանրապետության նկատմամբ առաջացած՝ Հայաստանի Հանրապետության կառավարության սահմանված պարտավորությունների սպասարկումը.

ժդ) սույն օրենքից բխող այլ գործառնությունների իրականացումը:

### ***Հոդված 6. Գլխավոր գանձապետը***

1. Գլխավոր գանձապետըն ի պաշտոնե լիազոր մարմնի ղեկավարի տեղակալն է:

2. Գանձապետարանի՝ սույն օրենքով նախատեսված խնդիրներն իրագործելու նպատակով Գլխավոր գանձապետն իրականացնում է իրեն վերապահված լիազորություններ, այդ թվում՝ կազմակերպում եւ ղեկավարում է գանձապետարանի աշխատանքները:

### ***Հոդված 7. Գանձապետարանի աշխատակիցները***

1. Գանձապետարանի աշխատակիցներ են համարվում Կենտրոնական գանձապետարանի եւ գանձապետական բաժանմունքների՝ սահմանված կարգով հաստատված հաստիքացուցակներում ներառված պաշտոնները զբաղեցնող անձինք:

2. Գանձապետարանի աշխատակիցներին պաշտոնի նշանակում եւ պաշտոնից ազատում է լիազոր մարմնի ղեկավարը՝ Գլխավոր գանձապետի ներկայացմամբ:

## ԳԼՈՒԽ II

### ԳԱՆԶԱՊԵՏԱՐԱՆԻ ՀԱՐԱԲԵՐՈՒԹՅՈՒՆՆԵՐՆ ԱՅԼ ՄԱՐՄԻՆՆԵՐԻ ՀԵՏ

**Հոդված 89. Գանձապետարանի խնդիրների իրականացման ընթացքում այլ մարմինների եւ առաջացող հարաբերությունների կարգավորումը**

1. Գանձապետարանի խնդիրների իրականացման ընթացքում այլ մարմինների հետ առաջացող հարաբերությունների կարգավորման նպատակով բյուջետային ծախսերի գերատեսչական դասակարգման հոդվածներով նախատեսված պետական եւ տեղական ինքնակառավարման յուրաքանչյուր մարմնում (այսուհետեւ՝ պետական մարմին) պաշտոնի է նշանակվում եւ ազատվում գլխավոր ֆինանսիստ:

2. Գլխավոր ֆինանսիստը ղեկավարում է պետական մարմնի ֆինանսական եւ հաշվապահական ծառայությունները, գործում է պետական մարմնի ղեկավարի անմիջական ղեկավարությամբ եւ համապատասխան լիազորությունների դեպքում կարող է կատարել այլ պարտականություններ:

3. Գլխավոր ֆինանսիստի բացակայության կամ պարտականությունների կատարման անհնարինության դեպքում պետական մարմնի ղեկավարի հրամանով նրան փոխարինում է այլ պաշտոնյա:

4. Պետական մարմնի եւ համակարգի պետական հիմնարկների ֆինանսական եւ հաշվապահական ծառայությունների կառուցվածքը եւ խնդիրները սահմանվում են լիազոր մարմնի համաձայնությամբ:

**Հոդված 9. Գլխավոր ֆինանսիստի պարտականությունները.**

1. Գլխավոր ֆինանսիստն ապահովում է պետական մարմնի կողմից՝

ա) ֆինանսական հոսքերի կառավարման եւ ներքին հսկողության համակարգի առկայությունը.

բ) լիազոր մարմնի կողմից սահմանված ներքին աուդիտի անցկացման կարգին համապատասխան՝ ներքին աուդիտի համակարգի առկայությունը, որը ներառում է պետական մարմնում եւ համակարգի պետական հիմնարկներում ֆինանսական հարցերի վերաբերյալ հաստատված ակտերի պահանջների կատարման գնահատումը եւ հաժվապահական հաշվառման գարանցումների մեջ անհամապատասխանությունների բացահայտումը եւ դրանց ճշգրտման ապահովումը.

գ) գնումների մասին օրենսդրությանը համապատասխան՝ գնումների համակարգի առկայությունը:

2. Գլխավոր ֆինանսիստը պատասխանատու է պետական մարմնի տրամադրության տակ գտնվող ֆինանսական միջոցների արդյունավետ եւ հրապարակային օգտագործման համար եւ ձեռնարկում է օրենսդրությամբ սահմանված միջոցներ՝

ա) պետական մարմնի կողմից օրենսդրությամբ նախատեսված դեպքերում եւ կարգով ֆինանսական միջոցների հավաքումն ապահովելու համար.

բ) միջոցների վատնումը, չնախատեսված ծախսերի կատարումը կանխելու համար.

գ) պետական մարմնի ֆինանսական պարտավորությունների եւ հիմնական միջոցների կառավարման համար, ներառյալ՝ հիմնական միջոցների հաշվառումը, պահպանությունը եւ շահագործումը.

դ) համակարգի պետական հիմնարկներին՝ բյուջետային դասակարգմանը համապատասխան, բյուջեով նախատեսված միջոցների բաշխումն ապահովելու համար:

3. Գլխավոր ֆինանսիստը պարտավոր է՝

ա) պետական մարմնի եւ/կամ համակարգի որեւէ պետական հիմնարկի միջոցներ հատկացնելուց առաջ համոզվել, որ վերջինս շարունակում է ապահովել ֆինանսական միջոցների կառավարման եւ ներքին աուդիտի կառավարման համակարգը.

բ) ապահովել պետական մարմնի կողմից սույն օրենքի եւ այլ ակտերի դրույթների պահպանումը.

գ) ապահովել ծախսերի գերակատարումը կամ պետական մարմնի կողմից հավաքագրվող եկամուտների թերակատարումը բացառելու անհնարինության դեպքում՝ պետական մարմնի անունից լիազոր մարմնին այդ մասին հաշվետվությունների ներկայացումը.

դ) ապահովել պետական մարմնի կողմից իրականացվող ֆինանսական գործառնությունների վերաբերյալ սահմանված կարգով հաշվապահական գրանցումները.

ե) ապահովել ֆինանսական հաշվետվությունների պատրաստումը եւ լիազոր մարմնի կողմից սահմանված կարգով պետական մարմնի անունից ներկայացումը Հայաստանի Հանրապետության Ազգային ժողովին, Հայաստանի Հանրապետության նախագահին, Հայաստանի Հանրապետության կառավարություն, Հայաստանի Հանրապետության Ազգային ժողովի վերահսկիչ պալատին եւ լիազոր մարմնին.

զ) լիազոր մարմնի կողմից սահմանված կարգով ներկայացնել ֆինանսական հաշվետվություններ, այդ թվում՝ նաեւ տեղեկատվություն՝ հաշվետու ժամանակահատվածի փաստացի եկամուտների, ծախսերի եւ կանխատեսումների մասին:

### ***Հոդված 10. Պետական հիմնարկի գլխավոր հաշվապահը***

1. Պետական մարմնի համակարգում յուրաքանչյուր պետական հիմնարկի ղեկավարը վերադաս պետական մարմնի գլխավոր ֆինանսիստի համաձայնությամբ նշանակում է հիմնարկի գլխավոր հաշվապահ:

2. Սույն օրենքով գլխավոր ֆինանսիստին վերապահված լիազորությունները եւ պարտականությունները պետական հիմնարկում իրականացնում է գլխավոր հաշվապահը:

3. Գլխավոր հաշվապահի բացակայության կամ պարտականությունների կատարման անհնարինության դեպքում պետական հիմնարկի ղեկավարի հրամանով նրան փոխարինում է այլ պաշտոնյա:

## **ԳԼՈՒԽ III**

### **ԳԱՆՁԱՊԵՏԱՐԱՆԻ ԽՆԴԻՐՆԵՐԻ ԻՐԱԳՈՐԾՈՒՄԸ**

### ***Հոդված 11. Հայաստանի Հանրապետության եւ համայնքների դրամական միջոցների կառավարման ապահովումը***

Հայաստանի Հանրապետության եւ համայնքների դրամական միջոցների կառավարման նպատակով գանձապետարանը ապահովում է՝

ա) օրենսդրությամբ սահմանված կարգով Հայաստանի Հանրապետության եւ համայնքների ծախսերի ֆինանսավորման իրականացումը.

բ) Հայաստանի Հանրապետության պետական բյուջեի պակասուրդի կամ հավելուրդի ընթացիկ կառավարումը.

գ) լիազոր մարմնի եւ Հայաստանի Հանրապետության ՀՀ կենտրոնական բանկի համատեղ հաստատած համաձայնագրի շրջանակներում դրամավարկային եւ հարկաբյուջետային քաղաքականությունների համակարգմանն ուղղված գործողությունների իրականացումը.

դ) դրամական հոսքերի կառավարման եռամսյակային, ամսական, շաբաթական եւ օրական ծրագրերի կազմումը.

ե) դրամական հոսքերի կառավարման ծրագրերի փաստացի կատարման վերաբերյալ հաշվետվությունների պատրաստումը եւ հաջորդ ժամանակահատվածի ծրագրերում համապատասխան ճշգրտումների կատարումը:

### ***Հոդված 12. Հայաստանի Հանրապետության եւ համայնքների ակտիվների ու պասսիվների հաշվառումը.***

Հայաստանի Հանրապետության եւ համայնքների ակտիվների եւ պասսիվների հաշվառման նպատակով գանձապետարանն ապահովում է՝

ա) Հայաստանի Հանրապետության բյուջեների կատարման շրջանակներում պետական եւ տեղական ինքնակառավարման մարմիններից պետական բյուջեի կատարման, համայնքների բյուջեների կատարման, արտաքին վարկերի հաշվին իրականացվող ծրագրերի, Հայաստանի Հանրապետության եւ համայնքների բյուջեների պարտքերի, եւ պետական ու համայնքների բյուջեների կատարման ընթացքում ստանձնված պարտավորությունների մասին հաշվետվությունների ստացումը, ամփոփումը, վերլուծությունը եւ լիազոր մարմնի կողմից դրանց արդյունքների սահմանված կարգով ներկայացումը.